

* ЮАН-ВЕРАН

Ожысь ветеранъёслы дунтэк юрттэт

Валэктон сёто Миръясь судьяослэсь ужзэс радъянъя управлениысь специалистъёс

Кытысь шедьтоно юристъёсты

Кинъёслы юристъёс дунтэк юрттэт сёто но кытчыл со понна вазиськоно?

Е. Иванов.
Иж

- Куд-ог категориослы юристъёс юрттыны кулэ, уксье басьтытэк. Кылсярысь, 1-тй но 2-тй группаен инвалидъёслы; инвалид, сирота нылпиослы, озы ик соосты будэтйсьёслы, пиналтёсынзы герзаськем юанъёссы кылдыку; Быдзым тыложысь ветеранъёслы, Совето Союзь Геройёслы, Россиысь Геройёслы, Социалистической Ужысь Геройёслы; мурт пиналэз вордосэ басыны мылкыд карисьёслы, документъёс дасянъя юанъёссы кылдыку; пытсэт сьоры, быдэ вуымтэослы чаклам изоляторъёсы но та выллем учреждениосы шедем нылпиослы. Озы ик юристъёс дунтэк визькенеш сётозы, семьялэн дохдэз улыны чаклам минимумлэсь ожытгес ке. Таёе юрттэт табере басыны быгатозы инкуазен сэрэн кылдэм шудтэм учыръёсы шедемтёс но - Кун Кенешысь депутатъёс та законэз юнматйзы туэ март толэзе.

Россиын эшшо кёня ке пумо законъёс юнматэмын, кудтёсызъя юристъёс озы ик дунтэк юрттэт сёто. Таос сярсысь пыр-почгес тодыны луоз, Удмурт Правительство бордысь Миръясь судьяослэсь ужзэс радъянъя управление яке Удмуртиысь адвокатъёслэн палатаязы вазиськыса.



udmfoto.ru Александр ГОРБУНОВ

Кытчыл луоз вазиськыны дунтэк юрттэт басытон понна? Нырысь ик, элькунысьтымы кун властылэн ёзёсаз: министерствоосы, комитетъёсы, управлениосы, Госжилинспекция, Госстройнадзор, Ветеринария кун управление, Медицина страхования фондэ но мукет. Дунтэк

Ожысь ветеранъёслы, инвалидъёслы юристъёс дунтэк юрттэт сёто.

юрттэт сёто кунлэн луисьтэм куд-ог ёзёс но.

СМС-лы осконо-а?

Кылэме вань: судэ табере отьыны быгато телефон

пыр гинэ, СМС келяса - почтае повесткалы ветлонэз өвёл ни. Озы-а?

И. Калинина.
Сарапул

- Зэмзэ но, элькунысьтымы вань судтёс заседаниослэн кытын, кыёе дыре ортчезы сярсысь телефон пыр СМС келяло. Но со понна суд ёзёсын адыми нырысь ик СМС-лы соглаш луэмзэ вераны кулэ, та понна со расписка улэ кинюртэмзэ пуктэ, телефон номерзэ гождэ.

Пусйыны кулэ, СМС понна дун уг басытйськы. Судтёс сайт пыр соку ик адзё: СМС-эз басытйсь кыёе дыре адзиз-лыдзиз сое. Зэм, луыло учыртьёс, кукке, судэ отем сяна, адымилы куд-ог документъёсты келяно луэ. Валамон, таёе дыръя соосты келяло огдышем сямъя, почта пыр.

Госпошлина тыроно-а?

Миръясь судэ искен вазиськыны малпасько. Со понна одно-а госпошлина тыроно? Тыроно ке, кытысь тодоно солэсь быдзалазэ?

Н. Попова.
Пичи Пурга ёрос

- Судэ искен вазиськыку, госпошлина одно тыроно луэ. Но солэн быдзалаез пёртэм луыны быгатоз: ваньбурен герзаськемын ке - бадзымгес, өвёл ке - пичигес. Та юнматэмын Россиысь Вытъя кодексэн. Ваньзэ тае умой-умой тодыны луоз участокъёсысь миръясь судьяос-

лэн сайтъёсысьтызы. Отын, госпошлиналэн быдзалаез сяна, пусъе мын луоз, кыёе реквизитъёсы коньдонэз келяно, юанъёс кылдыку, кинлы вазиськоно но мукет.

Ульчаын вуз карыны яра-а?

Укно уламы ик дырындырын кылдыло чыры-пыры дйсьёсын вуз карисьёс. Ма, городысь мукет интыосын но сыйеос син шоры йемьсы йотыло. Тайеосты кыл кутытон улэ кыскыны уг луы-а?

О. Лекомцева.
Иж

- Законэн юнматэмын: вуз карыны луэ нимысьтыз чаклам интыосын гинэ. Сое тйясьёсты кыл кутытон улэ кыскыны, тырыськон тупатыны луэ: нимаз адымиослы - 5 сюрс манетозь, нимаз ужбергатйсьёслы но должностен адымиослы - 10 сюрсысен 50 сюрс манетозь, предприятиослы, огазеяськонъёслы - 15 сюрс манетысен 100 сюрс манетозь. Таёеосын герзаськем ужтёсты эскеро административной комиссиос. Соос котькуд муниципал кылдытэтын вань, Ижын - котькуд ёросын. Кылем арын гинэ 300-лэсь ятыр адыми кыл кутытон улэ кыскемын вал юнме азын вуз каремз понна.

Басыськысьёс валаны кулэ: юнме вуз карон интыын соос урод вуз шоры жимыны быгато. Угось отысь вузтёслэн зечлыксы понна нокин кыл уг куты. ***

Анай котыр ласянь утемын

Валэктэ адвокат Олег Юскин

Шонер-а уллязы?

Декретэ потэмелэсь азъвил больницаны медсестраын ужасько вал. Жыны арно пиналыным утиськыса ой вутты, буггалтерийсь жингырто, ужъя книжкадэ, пе, басыты. Ужасъёсты кулэстэмен валче монэ мозмытйллям. Азъвил оз но ивортылэ. Пиналын пукись муртэ улляны уг луы шуыса, тодйсько. Кытчыл вазиськоно?

Ольга В.
Иж

Нылпиеныз утиськыса анаез государство котыр ласянь утыны выре. Соин ик тйледыз улляны уг быгато вал. Зэм, организа-

ция воксё бырыку, тй но ужтэк кылыны быгатысалды. Но таяз учырын тйледлы жегатскытэк вазиськоно Прокуратурае, Ужъя кун инспекцияе. Мозмытэмзы дырысен тйляд 1 толэзь дырды вань, ужады тйледыз выльысь мед юнматозы шуыса.

Малы кулэ пролка?

Кык артысь бакчалы кузё луисько вал. Соин но межаос лэстылыса ой улы. Но али огзэ музъемез пуктйськемъёсынзы валче вузано кариськи. Ёросысь специалистъёс вуылйзы, маке мертасъкызы, бакчае тй бызылйзы, паспорт лэстыйзы. Та понна уксье но

тыри. Но документъёсы Регпалата пыр оз потэ, паспорттаз маке янгышез вань, шуо, янгыш мерталлял, пе. Выльсямен документъёсты лэстытэ, умойгес мерталэ, шуисько ёрос администрациын. Нош ик уксье тыре, собере специалистъёсмы потозы - ваменско. Соослэн янгышы ке, мон коньдон тырыны кулэ шат?

Собере мукет юан но кылдйз. Мон но бускеле вискын пролка вань. Уг луы меда со пролкаез ворсаны но бакча пушкы ик кенерен котыртыны? Уг ке, кёня метр со дорозь кельтыны кулэ? Жаг гинэ будэ ук.

Мария К.
Можга ёрос

Бакчадылы паспорт умойтэм лэстытэм понна тй янгыш өвёл бере, выльысь уксье тырыны тй кулэ өвёл.

Пролкаез киултон пумысен тазы верало. Пролка малы ке азъвил ик кылдэмын, шур дуре васькан понна ик кельтэмын вал, дыр. Пролкаосты возён пон-

на кыл кутэ интыысь администрация. Отысь ик юалэ, кулэлыкес вань на меда солэн. Ёвёл ке, озыен, исаны сое уг яра. Яра ке, вералозы, кёня метр бакчаысен пролкаозь кылыны кулэ. Со лыдпус потэ пролкалэн макем бадзым кулэлыкес бордысь. ***

Гажано лыдзисьёс!

Улонады шуг-секутгёс кылдйзы ке, отысь кызы потыны уд валаське ке, вазиське юантёсыныды «Удмурт дунне» редакцияе! Адвокат Олег Юскин дась тйледлы юрттыны. **22-тй апреле 14-ен 16 часозь** редакцияын со ортчытоз консультация. «Удмурт дуннелы» гожтйськемъёслы визькенеш сётйськоз дунтэк (сьорады басытэ квитанцидэс).

Юантёсты азъло ик келяны луэ почта пыр но. Жингыртоно **8-951-195-37-66** номеръя.